

廣
弘
明
集

才
三

四百七十六
典三

51363



元祿九年丙子二月日重脩

皇圖瓊閣 帝階銀呂

佛日增輝 懋輪崇轉

山城州天安寺法金剛院置

印

廣弘明集卷第三

唐終南山釋氏



典

歸正篇第一之三

邃古篇

梁侍中江淹

歸心篇

北齊光祿顏之推

七錄序

梁處士阮孝緒

邃古篇第十

梁侍中江淹

僕嘗為造化篇以學古制今觸類而廣之復
有此文兼象天問以遊思云尔



聞之邃古大火然兮水亦溟泮無涯邊兮女
媧練石補蒼天兮共工所觸不周山兮河洛
交戰寧深淵兮黃炎共鬪涿鹿川兮女妓九



子爲氏先兮蚩尤鑄兵幾千年兮十日並出
堯之間兮羿迺斃日事豈然兮常娥奔月誰
所傳兮豐隆騎雲爲靈仙兮夏開乘龍何因
緣兮傳說託星安得宣兮夸父鄧林義亦艱
兮尋木千里烏易論兮穆王周流往復旋兮
河宗王母可與言兮青鳥所解路誠亶兮五
色玉石出西偏兮崑崙之墟海此間兮去彼
宗周萬二千兮山經古書亂編篇兮郭釋有
兩未精堅兮上有剛氣道家言兮日月五星
皆虛懸兮倒景去地出雲煙兮九地之下如
有天兮土伯九約寧若先兮西方蓐收司金
門兮北極禺強爲常存兮帝之二女遊湘沉

兮霄明燭光向焜煌兮太一司命鬼之元兮
山鬼國殤爲遊魂兮迦維羅衛道最尊兮黃
金之身誰能原兮恆星不見頗可論兮其說
彬炳多聖言兮六合之內心常渾兮幽明詭
怪令智昏兮河圖洛書爲信然兮孔甲豢龍
古共傳兮禹時防風虺隅山兮春秋長狄生
何邊兮臨洮所見又何緣兮蓬萊之水淺於
前兮東海之波爲桑田兮山崩邑淪寧幾千
兮石生土長必積年兮漢鑿昆明灰炭全兮
魏開濟渠螺蚌堅兮白日舟中誰使然兮北
斗不見葳何間兮建章鳳闕神光連兮未央
鍾簏生花鮮兮銅爲兵器秦之前兮丈夫衣

綵六國先方周時女子出世間方班君絲履
遊太山方人鬼之際有隱淪方四海之外孰
方圓方沃沮肅慎東北邊方長臂兩面赤乘
船方東南倭國皆文身方其外黑齒次裸民
方侏儒三尺並爲鄰方西北丁零又烏孫方
車師月支種類繁方馬蹄之國善騰奔方西
南烏弋及罽賓方天竺于闐皆胡人方條支
安息西海滸方人迹所極至大秦方珊瑚明
珠銅金銀方琉璃瑪瑙來雜陳方磳磳水精
莫非真方雄黃雌石出山垠方青白蓮花被
水濱方宮殿樓觀並七珍方窮陸溟海又有
民方長股深目豈君臣方丈夫女子及三身

兮結曾反舌一臂人兮跂踵交脛與羽民兮
不死之國皆何因兮茫茫造化理難循兮聖
者不測况庸倫兮筆墨之暇爲此文兮薄暮
雷電聊以忘憂又示君乎 梁典云江淹位登
金紫初淹年六歲能屬文爲詩最長有遠識
愛竒尚年二十以五經授宋諸王待以客禮
初年十三而孤貧採薪養母以孝聞及梁朝
六遷侍中夢郭璞索五色筆淹與之自是爲
又不工人謂其才盡然以不得志故也有集
十卷深信天竺緣果之文余檢其行事與傳
同焉綴述佛理不多錄其別篇知明賢之雅
志耳

家訓歸心篇

北齊光祿顏之推

三出之事信而有徵家素歸心勿輕慢也其
間妙旨具諸經論不復於此少能讚述但懼
汝曹猶未牢固略重勸誘耳

原夫四塵五陰剖析形有六舟三駕運載羣
生万行歸空千門入善辯才智慧豈徒七經
百氏之博哉明非堯舜周孔老莊之所及也
內外兩教本爲一體漸極爲異深淺不同內
典初門設五種之禁與外書仁義五常符同
仁者不殺之禁也義者不盜之禁也禮者不
邪之禁也智者不酒之禁也信者不妄之禁
也至如畋狩軍旅醮饗刑罰因民之性不可

卒除就爲之節使不淫濫耳歸周孔而背釋
宗何其迷也

俗之謗者大抵有五其一以世界外事及神
化無方爲迂誕也其二以吉凶禍福或未報
應爲欺誑也其三以僧尼行業多不精純爲
姦慝也其四以糜費金寶減耗課役爲損國
也其五以縱有因緣而報善惡安能辛苦今
日之甲利益後世之乙乎爲異人也今並釋
之于下云

釋一曰夫遙天之物寧可度量今人所知莫
若天地天爲精氣日爲陽精月爲陰精星爲
万物之精儒家所安也星有墜落乃爲石矣

精若是石不可有光性又質重何所繫屬一
星之徑大者百里一宿首尾相去數万百里
之物數万相連闊狹從斜常不盈縮又星與
日月光色同耳但以大小爲其等差然而日
月又當石耶石旣牢密烏兔焉容石在氣中
豈能獨運日月星辰若皆見氣氣體輕浮當
與天合往來環轉不得脩違其間遲疾理寧
一等何故日月五星二十八宿各有度數移
動不均寧當氣墜忽變爲石地旣滓濁法應
沉原鑿土得泉乃浮水上積水之下復有何
物江河百谷從何處生東流到海何爲不溢
歸塘尾閭渫何所到沃焦之石何氣所然潮

汐去還誰所節度天漢懸指那不散落水性
就下何故上騰天地初開便有星宿九州未
畫列國未分剪疆區野若為躔次封建已來
誰所制割國有增減星無進退災祥禍福就
中不差懸象之大列星之數何為分野上繫
中國昴為旄頭胃奴之次西胡東夷彫題交
趾獨棄之乎以此而求迄無了者豈得以人
事尋常抑必宇宙之外乎

凡人所信唯耳與目自此之外咸致疑焉儒
家說天自有數義或渾或蓋乍穹乍安斗極
所周苑維所屬若所親見不容不同若所測
量寧足依據何故信凡人之臆說疑大聖之

妙旨而欲必無恒沙世界微塵數劫乎而鄒
衍亦有九州之談山中人不信有魚大如木
海上人不信有木大如魚漢武不信有弦膠魏
文不信有火布胡人見錦不信有虫食樹吐絲
所成昔在江南不信有千人氈帳及來河北
不信有二万石船皆實驗也

世有祝師及諸幻術猶能履火蹈刃種瓜移
井倏忽之間千變万化人力所為尚能如此
何妨神通感應不可思量千里寶幢百由旬
座化成淨土踊生妙塔乎

釋二曰夫信謗之興有如影響耳聞眼見其
事已多或乃精誠不深業緣未感時儻差間

終難獲報耳善惡之行禍福所歸九流百氏
皆同此論豈獨釋典為虛妄乎項託顏回之
短折伯夷原憲之凍餒盜跖莊蹻之福壽齊
景桓魋之富強若引之先業冀以後生更為
實耳如以行善而偶鍾禍報為惡而儻值福
徵便可怨尤即為欺詭則亦堯舜之云虛周
孔之不實也又安所依信而立身乎
釋三曰開闢已來不善人多而善人少何由
悉責其精潔乎見有名僧高行棄而不說若
覩凡猥流俗便生誹毀且學者之不勤豈教
者之為過俗僧之學經律何異士人之學詩
禮詩禮之教格朝廷之士略無全行者經律

之禁格出家之輩而獨貴無犯哉且闕行之
臣猶求祿位毀禁之侶何慙供養乎其於戒
行自當有犯一被法服已墮僧數歲中所計
齋講誦持皆諸白衣猶不啻山海也

釋四曰內教多途出家自是其一法耳若能
誠孝在心仁惠爲本須達流水不必剔落鬚
髮豈令罄井田而起塔廟窮編戶以爲僧尼
也皆由爲政不能節之遂使非法之寺妨民
稼穡無業之僧空國賦筭非大覺之本怕也
抑又論之求道者身計也惜費者國謀也身
計國謀不可兩遂誠臣徇主而棄親孝子安
家而忘國各有行也儒有不屈王侯高尚其

事隱有讓王舜相避世山林安可計其賦役
以爲罪人也若能皆化黔首悉入道場如妙
樂之世僊佉之國則有自然秔米無盡寶藏
安求田蠶之利乎

釋五曰形體雖死精神猶存人生在世望於
後身似不連屬及其沒後則與前身猶老少

朝夕耳世有鬼神亦見夢想或降僮妾或感
妻孥求索飲食徵須福祐亦爲不少矣今人
貧賤疾苦莫不怨尤前世不修功德以此而
論可不爲之作福地乎夫有子孫自是天地
間一蒼生耳何以身事而乃愛護遺以基趾
況於已之神爽頓欲棄之乎故兩踈得其一

隅累代詠而弥光矣

凡夫矇蔽不見未來故言彼生與今生非一體耳若有天眼鑒其念念隨滅生生不斷豈可不怖畏耶又君子處世貴能克己復禮濟時益物治家者欲一家之慶治國者欲一國之良僕妾臣民與身竟何親也而爲其勤苦修德乎亦是堯舜周孔虛失愉樂一人修道濟度幾許蒼生免脫幾身罪累幸熟思之人生居世須顧俗計樹立門戶不得悉棄妻子一皆出家但當兼修行業留心讀誦以爲來世資糧人身難得勿虛過也

七錄序十二

梁處士阮孝緒

日月貞明匪光景不能垂照嵩華載育非風
雲無以懸感大聖挺生應期命世所以匡濟
風俗矯正彝倫非夫丘素墳典詩書禮樂何
以成穆穆之功致蕩蕩之化也哉故洪荒道
喪帝昊興其爻畫結繩義隱皇頡肇其文字
自斯已往凶襲異宜功成治定各有方冊正
宗旣殄樂崩禮壞先聖之法有若綴旒故仲
尼歎曰大道之行也與三代之英丘未建也
而有志焉夫有志以爲古久猶好也故自衛
反魯始立素王於是刪詩書定禮樂列五始
於春秋興十翊於易道夫子旣亡微言殆絕

七十並喪大義遂乖逮于戰國殊俗政異百家競起九流互作嬴政嫉之故有坑焚之禍至漢惠四年始除挾書之律其後外有太常太史博士之藏內有延閣廣內祕室之府開獻書之路置寫書之官至孝成之世頗有亡逸乃使謁者陳農求遺書於天下命光祿大夫劉向及子俊歆等讎校篇籍每一篇已輒錄而奏之會向亡喪帝使歆嗣其前業乃徙溫室中書於天祿閣上歆遂摠括群篇奏其七略及後漢蘭臺猶爲書部又於東觀及仁壽闡撰集新記校書郎班固傳毅並典祕籍固乃因七略之辭爲漢書藝文志其後有著

述者袁山松亦錄在其書魏晉之世文籍逾
廣皆藏在秘書中外三閣魏秘書郎鄭默
刪定舊文時之論者謂爲朱紫有別晉領秘
書監荀勗因魏中經更著新簿雖分爲十有
餘卷而摠以四部別之惠懷之亂其書略盡
江左草創十不一存後雖鳩集淆亂已甚及
著作佐郎李充始加刪正因荀勗舊簿四部之
法而換其乙丙之書沒略衆篇之名摠以甲乙
爲次自時厥後世相祖述宋秘書監謝靈運
丞王儉齊秘書丞王亮監謝朓等並有新進
更撰目錄宋秘書殷淳撰大四部目儉又依
別錄之體撰爲七志其中朝遺書收集稍廣

然所亡者猶太半焉齊末兵火延及秘閣有
梁之初缺亡甚衆爰命秘書監任昉躬加部
集又於文德殿內別藏衆書使學士劉孝標
等重加校進乃分數術之文更爲一部使奉
朝請祖暅撰其名錄其尚書閣內別藏經史
雜書華林園又集釋氏經論自江左篇章之

典

廣引別集卷三十一

古

盛未有踰於當今者也孝緒少愛墳籍長而
弗倦卧病閑居傍無塵雜晨光纔啓緡囊已
散宵漏旣分綠表方掩猶不能窮究流略探
盡秘奧每披錄內省多有缺然其遺文隱記
頗好搜集凡自宋齊已來王公搢紳之館苟
能蓄聚墳籍必思致其名簿凡在所遇若見

若聞校之官目多所遺漏遂摠集衆家更爲
新錄其方內經史至于術伎合爲五錄謂之
內篇方外佛道各爲一錄謂之外篇凡爲錄
有七故名七錄昔司馬子長記數千年事先
哲愍其勤雖復稱爲良史猶有捃拾之責况
摠括群書四萬餘卷皆討論研覈標判宗旨
才愧踈通學慙博達靡班嗣之賜書微黃香
之東觀儻欲尋檢內寡卷軸如有疑滯傍無
沃啓其爲紕繆不亦多乎將恐後之罪予者
豈不在於斯錄如有刊正請俟君子昔劉向
校書輒爲一錄論其指歸辨其訛謬隨竟奏
上皆載在本書時又別集衆錄謂之別錄即

今之別錄是也子歆撮其指要著為七略其
一篇即六篇之摠最故以輯略為名次六藝
略次諸子略次詩賦略次兵書略次數術略
次方伎略王儉七志改六藝為經典次諸子
次詩賦為文翰次兵書為軍書次數術為陰
陽次方伎為術藝以向歆雖云七略實有六
條故別立圖譜一志以全七限其外又條七
略及二漢藝文志中經簿所闕之書并方外
之經佛經道經各為一錄

雖繼七志之後而不在其數今所撰七錄斟酌王劉王以六藝之稱不足標榜經目改為經典今則從之故序經典錄為內篇第一劉

王並以衆央合于春秋劉氏之世史書甚寡
附見春秋誠得其例今衆家記傳倍於經典
猶從心志實爲繁蕪且七略詩賦不從六藝
詩部蓋由其書旣多所以別爲一略今依擬
斯例分出衆史序記傳錄爲內篇第二諸子
之稱劉王並同又劉有兵書略王以兵字淺
薄軍言深廣故改兵爲軍竊謂古有兵革兵
戎治兵用兵之言斯則武事之揔名也所以
還改軍從兵兵書旣少不足別錄今附于子
末揔以子兵爲稱故序子兵錄爲內篇第三
王以詩賦之名不兼餘制故改爲文翰竊以
頃世文詞揔謂之集變翰爲集於名尤顯故

序文集錄爲內篇第四王以數術之稱有繁
雜之嫌故改爲陰陽方伎之言事無典據又
改爲藝術竊以陰陽偏有所繫不如數術之
該通術藝則濫六藝與數術不逮方伎之要
顯故還依劉氏各守本名但房中神仙旣入
仙道醫經經方不足別創故合故伎之稱以
名一錄爲內篇第五王氏圖譜一志劉略所
無劉數術中雖有曆譜而與今譜有異竊以
圖畫之篇宜從所圖爲部故隨其名題各附
本錄譜旣注記之類宜與史體相參故載于
記傳之末自斯已上皆內篇也釋氏之教實
被中土講說諷味方軌孔籍王氏雖載于篇

而不在志限即理求事未是所安故序佛法
錄爲外篇第一仙道之書由來尚矣劉氏神
仙陳於方伎之末王氏道經書於七志之外
今合序仙道錄爲外篇第二王則先道而後
佛今則先佛而後道蓋所宗有不同亦由其
教有淺深也凡內外兩篇合爲七錄天下之

遺書秘記庶幾窮於是矣有梁普通四年歲
維單闕仲春十有七日於建康禁中里宅始
述此書通人平原劉杳從余遊因說其事杳
有志積久未獲操筆聞余已先著編欣然會
意凡所抄集盡以相與廣其聞見實有力焉
斯亦康成之於傳釋盡歸子慎之書也

古今書最

七略書三十八種六百三家一万三千二百一十九卷

五百七十二家亡 三十一家存

漢書藝文志書三十八種五百九十

六家一万三千三百六十九卷

五百七十二家亡 四十四家存

二十八家在

袁山松後漢藝文志書

八十七家亡

晉中經簿四部書一千八百八十五

部二万九百三十五卷其中十六卷

佛經書簿少二卷不詳所載多少

一千一百一十九部亡 七百六

十六部存

晉元帝書目四部三百五表三千一

十四卷

晉義熙四年秘閣四部目錄

宋元嘉八年秘閣四部目錄一千五

百六十四表

一万四千五百八十二卷

五百五十三表

佛經

宋元徽元年秘閣四部書目錄二千

二十表一万五千七十四卷

齊永明元年秘閣四部自錄五千新
足合二千三百三十二表一万八千
一十卷

梁天監四年文德正御四部及術數
書目錄合二千九百六十八表二万
三千一百六卷

秘書丞殷鈞撰秘閣
四部書少於文德書

故不錄
其數也

新集七錄內外篇圖書凡五十五部六千二

百八十八種八千五百四十七表四

万四千五百二十六卷

六千七百二十八

八十四表四万三千六百二十四卷
經書二百三種二百六十三表八百

七十卷
圖符

內篇五錄四十六部三千四百五十三種五

千四百九十三表三萬七千九百八

十三卷三百三十六表三萬七千八百一十五種五百八十八卷

經書一百三十五種一百八十七表七百七十五卷圖也

外篇二錄九部二千八百三十五種三千五

十四表六千五百三十八卷二千七百五十七

九種二千九百七十八表六千四百一十三卷經書七十六種七十八表一百卷

七錄目錄

經典錄

內篇一

易部大四種九十六帙五百九十卷

尚書部二十七種二十八帙一百九

十卷

詩部五十二種六十一帙三百九十
八卷

禮部一百四十種二百一十一帙一
千五百七十卷

樂部五種五帙二十五卷

春秋部一百一十一種一百三十九
帙一千一百五十三卷

論語部五十一種五十二帙四百一
十六卷

孝經部五十九種五十九帙一百四
十四卷

小學部七十二種七十二帙三百一十三卷

右九部五百九十一種七百一十帙四千七百一十卷

記傳錄

內篇二

國史部二百一十六種五百九帙四

千五百九十六卷

注曆部五十九種一百六十七帙一

千二百二十一卷

舊事部八十七種一百二十七帙一

千三十八卷

職官部八十一種一百四帙八百一卷

儀典部八十種二百五十二帙二千二百五十六卷

法制部四十七種九十五帙八百八十六卷

偽史部二十六種二十七帙一百六十一卷

雜傳部二百四十一種二百八十九帙一千四百四十六卷

鬼神部二十九種三十四帙二百五卷
土地部七十三種一百七十一帙八百六十九卷

譜狀部四十二種四百二十三帙一

千六十四卷

簿錄部三十六種六十二帙三百三

十八卷

右十二部一千二十種二千二百四

十八帙一万四千八百八十八卷

子兵錄

內篇三

儒部六十六種七十五帙六百四十卷

道部六十九種七十六帙四百三十

一卷

陰陽部一種一帙一卷

法部十三種十五帙一百一十八卷

名部九種九帙二十三卷

墨部四種四帙一十九卷

縱橫部二種二帙五卷

雜部五十七種二百九十七帙二千

三百三十八卷

農部一種一帙三卷

小說部十種十二帙六十三卷

兵部五十八種六十一帙二百四十

五卷

右一十一部二百九十種五百五十

三帙三千八百九十四卷

文集錄

內篇四

楚辭部五種五帙二十七卷

別集部七百六十八種八百五十八
帙六千四百九十七卷

摠集部十六種六十四帙六百四十

九卷

雜文部二百七十三種四百五十一
帙三千五百八十七卷

右四部一千四十二種一千三百七
十五帙一万七百五十五卷

術伎錄

內篇五

天文部四十九種六十七帙五百二
十八卷

緯識部三十二種四十七帙二百五

十四卷

曆筭部五十種五十帙二百一十九卷
五行部八十四種九十三帙六百一十五卷

卜筮部五十種六十帙三百九十卷
雜占部十七種十七帙四十五卷

刑法部四十七種六十一帙三百七卷
醫經部八種八帙五十卷

經方部一百四十種一百八十帙一千二百五十九卷

雜藝部十五種十八帙六十六卷
右十部五百五種六百六帙三千七

百三十六卷

佛法錄三卷

外篇一

戒律部七十一種八十八帙三百二

十九卷

禪定部一百四種一百八帙一百七

十六卷

智慧部二千七十七種二千一百九

十帙三千六百七十七卷

疑似部四十六種四十六帙六十卷

論記部一百一十二種一百六十四

帙一千一百五十八卷

右五部二千四百一十種二千五百

九十五帙五千四百卷

仙道錄

外篇二

經戒部二百九十種三百一十八帙
八百二十八卷

服餌部四十八種五十二帙一百六
十七卷

房中部十三種十三帙三十八卷

符圖部七十種七十六帙一百三卷

右四部四百二十五種四百五十九
帙一千一百三十八卷

文字集略一帙三卷 序錄一卷

正史刪繁十四帙一百三十五卷 序錄一卷

高隱傳一帙十卷 序例一卷

古今世代錄一帙七卷

七錄二帙一十一卷

雜文一帙十卷

聲緯一帙一卷

右七種二十一帙一百八十一卷阮

孝緒撰不足編諸前錄而載於此

孝緒陳留人宋中領軍歆之曾孫祖慧真臨
賀太守父彥太尉從事中郎孝緒年十三略
通五經大義隨父爲湘州行事不書南紙以
成父之清年十六丁艱終喪不服綿纊雖蔬
食有味則吐之在鍾山聽講母王氏忽有疾
孝緒於講座心驚而反合藥須生人蔘自採

於鍾山高嶺經日不值忽有鹿在前行心怪之至鹿息處果有人蓼母疾即愈齊尚書令王晏通家權貴來候之傳呼甚寵孝緒惡之穿籬而遁晏有所遺拒而不納嘗食醬而美問之乃王家所送遂命覆醢及晏被誅以非黨獲免常以鹿林爲精舍環以林池杜絕交好少得見者御史中丞任昉欲造之而不敢進睨鹿林謂其兄履曰其室則尔其人甚遠太中大夫殷芸贈以詩任昉止之曰趣舍苟異何用相干於是朝貴絕於造請唯與裴貞子爲交貞子即子野之謚天監十二年秘書監傳昭薦焉並不到天子以爲苟立虛名以要顯譽

自是不復徵聘故何胤孝緒並得遂其高志
南平元襄謂履曰昔君大父舉不以來遊取
累賢弟獨執其志何也孝緒曰若麇鹿盡可
驂馭何以異夫駉驥哉王作二閣及性情義
並以示之請爲潤色世祖著忠臣傳集釋氏
碑銘丹陽尹錄妍神記並先簡居士然後施
行鄱陽忠列王孝緒姊夫也王及諸子歲時
致饋一無所受嘗自筮死期云與劉著作同
年是秋劉杳卒孝緒睨曰吾其幾何數旬果
亡年五十八皇太子遣使弔祭賻贈甚渥子
恕追述先志固辭不受門人謚曰文貞處士
孝緒其博極羣書無一不善精力強記學者所

宗著七錄削繁等諸書一百八十一卷並行於世編次佛道以為方外之篇起於是矣

廣弘明集卷第三

典

江淹下邑反孝緒下音溟滓下片頂反黃炎下于廉反炎帝神農黃帝

軒轅也涿鹿上音卓黃帝滅蚩蚩上尺之反尤神農之目

羿迺射上音詣帝斃上音日反殞也奔月去上

聲傳說漢付悅二音夸父上音誠下音亶下音罕反

墟丘虛蓐收上音厚神名焜煌上音皇胡本反光明下

殤音傷天恒星謂上戶登反星一彬炳上音炳反臨池下音

質丙明也文詭怪反上過委秦龍養音日一穀一臨池下音

下土高反水濟渠上于禮反魏截螺蚌項下蒲

蛤鍾蕨也下音巨桐音莢作虞誤也鍾架方負作下正沃沮

上烏篤反倭國東上烏和反裸民赤體之瓦反休

儒上音朱月氏支音烏弋翼下音罽賓上居于

闐二下音田殿海澹水下市倫反山根斤下或作垠魚

水濱水際也賓長股腿下音古跂踵之上丘反智反海有

國人行脚交脛人行脚定反海有國郭璞角下反

綴述反上緝知衛剖析擊反先畋狩名上音田獵之惣

日醯饗食下上許於見反飲會也猝除反上音倉麓沒大抵

下音迂誕下上委于反曲也姦慝邪也古顏反得

反也糜費上散耗也反慢也未反課役和上苦

也差徑闊曰反豎闊狹夾下反侯偕違俱上也音皆滓濁

史^上側^反溢^夷滿^一也^反歸^塘堂^下音^滌何^也上^音薛^注沃

焦^中上^烏篤^反水^灌不^濕海^潮汐^上直^搖反^下音^夕

夕^來也^所謂^未割^音獲^剪疆^界區^野上^丘

俱^反域^躔次^連上^直駁^多音^禍楚^人云^昂為^星上^音外

交^上趾^地音^止迄^許訖^反乍^下去^弓反^正苑^維

塞^也紆^阮隅^也苑^也邳^衍下^音演^反弦^上音^賢弓

交^粘也^東海^中央^有洲^名曰^鳳麟^其洲^多出

也^也氈^帳毛^上之^然反^祝師^字上^呢幻^術上^胡慣^反

予^也倒^書是^踏刃^履上^音盜^倏忽^叔上^音原^憲下^音詐

凍^餒下^乃每^盜跖^之下^音隻^古莊^躄下^丘桓^魁

上^惠官^反開^闢下^亦開^也凡^猥下^鄙也^格古

式^反下^徒回^反不^啻下^施智^多也^剝落^反上^他弟^也髦^髮上^音

毛稼穡嫁色二音種惜旨徇詞閨反黔首巨上

廉反儻佞下上丘而章反杭米與梗同田蠶俗作

朦蔽障下必祭也愉樂上羊朱反忻嵩華上息反

下玄化反挺生上亭頂矯正上居小反彝倫

常也帝昊下羲氏始畫八卦昊伏爻畫反卦象

音獲下皇頡頏下觀鳥跡立文字也肇音趙公襲

二音習方冊亦作冊反殳徒典反綴游上知刪所

反音習方冊亦作冊反殳徒典反綴游上知刪所

說卦反土亂辭叙也殆絕待音羸政上音大象小象挾

書帖上卦反雜卦是也篇籍下才徙斯綺反也闡達

反官外反胡雉校二音教荀勗下息旬反也草創

狀下門反初也淆亂反上戶交亮反力向謝肫又下普沒反反任

反初也淆亂反上戶交亮反力向謝肫又下普沒反反任

昉 下 方 祖 暄 下 兄 囊 上 息 羊 反 淺 黃 綠 表

經 下 袂 也 探 反 土 含 搢 紳 進 申 二 音 以 笏 蓄 聚 許 上

六 反 也 名 簿 部 下 音 研 覈 下 隔 反 紕 繆 下 上 反 刊

正 反 上 苦 寒 訛 謬 下 上 愚 和 反 撮 其 活 上 七 反 輯 略 音 上

集 和 圖 譜 下 載 集 往 事 也 斟 酌 針 上 音 繁 蕪 下 音 在

也 草 也 歲 兵 戎 弓 下 而 該 通 哀 反 單 闕 下 音 遇 歲 在

劉 杏 下 煙 揅 筆 上 七 刀 反 執 元 徽 下 音 暉 緯

識 上 音 謂 有 徵 之 楚 禁 反 卜 筮 下 音 逝 龜 日 服 餌

下 而 志 彥 反 魚 箭 綿 纊 下 苦 況 反 著 日 筮 日 下 音 參

穿 籬 竹 下 音 離 遁 逃 困 覆 醢 下 音 芳 伏 反 參 藥 名

杜 絕 反 上 徒 戶 也 造 之 反 上 七 到 睨 音 詣 般 芸 下 音 也

裴 陪 音 謚 音 示 死 而 後 徵 聘 問 下 音 併 反 詔 胤 鎖 余

又元囊下息麇麇上俱倫並鹿之音類加駝又馭上

合反下音御一駮上良玉反驄下居異鄱陽

上音從駕馬也計反吾致饋下求位反驄馬也自筮下音逝

膊贈上音附以物渥於角反優



